

PROGRAM ZAGOVARANJA CENTRA ZA PROMOCIJU CIVILNOG DRUŠTVA
ZA IZGRADNJU PODSTICAJNOG OKRUŽENJA ZA RAZVOJ CIVILNOG DRUŠTVA U BIH
(„PROGRAM ZAGOVARANJA“)

INFORMATIVNO – KONSULTATIVNI SASTANAK

Sarajevo, 18. novembar 2014. hotel „Hollywood“, Ilidža/Sarajevo

Centar za promociju civilnog društva (CPCD) pokrenuo je novi „Program zagovaranja za izgradnju podsticajnog okruženja za razvoj civilnog društva u Bosni i Hercegovini“ („Program zagovaranja“).

Glavni cilj Programa zagovaranja je podrška izgradnji povoljnijeg pravnog, institucionalnog i poreskog okvira za razvoj civilnog društva (CD) u BiH na državnom i entitetskim nivoima vlasti, te u Distriktu Brčko. U okviru Programa će se realizovati ukupno četiri posebne, međusobno povezane kampanje zagovaranja.

Informativno-konsultativni sastanak održan 18. 11. 2014. u Sarajevu, predstavljao je jednu od prvih aktivnosti u realizaciji Programa zagovaranja. Ukupno 31 učesnik/ica ovog sastanka, predstavnika/ica vladinog, nevladinog i poslovnog sektora iz BiH, imali su priliku da se bliže upoznaju sa glavnim ciljevima i aktivnostima Programa zagovaranja, kao i sa idejom o formiranju neformalne, međusektorske koalicije „Civilni dijalog“.

Nakon uvodne prezentacije, te nakon diskusije u kojoj su učesnici/ice izrazili svoje ideje, mišljenja i sugestije vezane za novi Programa zagovaranja, zaključeno je da CPCD kao organizator sastanka pripremi odgovarajuće zaključke i smjernice vezane za prve naredne aktivnosti u prvoj, pripreмноj fazi realizacije programa.

Na osnovu ovog zaključka sa sastanka i u skladu sa stavovima izraženim tokom diskusije, za dalje razmatranje i prihvatanje CPCD učesnicima/ama sastanka nudi sljedeći prijedlog:

OPŠTEG OKVIRA

ZA SARADNJU POTENCIJALNO ZAINTERESOVANIH STRANA U REALIZACIJI PROGRAMA ZAGOVARANJA

1. Novi Program zagovaranja treba da pruži novi podsticaj za nastavak aktivnosti OCD u BiH na izgradnji povoljnijeg okruženja za razvoj CD u našoj zemlji. Osnova za njegovo planiranje i provođenje biće naučene lekcije i iskustva stečena u ovom procesu u proteklim godinama;
2. Neformalna, međusektorska koalicija „Civilni dijalog“, kao glavni nosilac aktivnosti u okviru Programa zagovaranja koja će okupiti zainteresovane predstavnike/ice iz sva tri sektora bh. društva, daće novi kvalitet procesu zagovaranja tako što će omogućiti bolju međusobnu komunikaciju i zajednički nastup, na bazi jasno izraženog interesa i zajednički definisanih potreba;
3. Učesnici/ice u Programu zagovaranja će zauzeti proaktivan stav prema ciljanim donosiocima odluka, saveznicima/ama i dr. metama kampanje, kada je u pitanju njihov angažman, a posebno rezultati tog angažmana, na rješavanju pitanja od interesa za program. To namjeravaju postići kroz veće animiranje i pritisak naučne, stručne, kulturne i bh. javnosti uopšte, koristeći medije i sva druga moderna sredstva i metode javne komunikacije;
4. Da bi CD moglo biti prepoznato kao ozbiljan partner državnim institucijama u kreiranju javnih politika od značaja za njegov daljnji razvoj, OCD moraju posjedovati neophodna profesionalna (stručna) znanja i iskustvo u ovoj oblasti, kao i demonstrirati veći stepen odgovornosti i transparentnosti u svom radu. Program zagovaranja će

tome dati svoj doprinos kroz kampanju uvođenja etičkog kodeksa i dobrog upravljanja u OCD u BiH, kao i kroz osnovni pristup u formiranju koalicije „Civilni dijalog“, čiji će osnovni princip biti profesionalno iskustvo, kompetencije i raspoloživi resursi potencijalno zainteresovanih članova/ica koalicije, a ne sama brojnost;

5. Stalno rastući interes unutar CD i poslovnog sektora za međusobnu saradnju, Program zagovaranja će kreativno iskoristiti za zajednički i artikulisan zahtjev za veće učešće u kreiranju javnih politika u oblasti stvaranja povoljnog ekonomskog okruženja, uključujući uvođenje podsticajnih mjera za razvoj individualne i korporativne filantropije;
6. Program zagovaranja će tokom cijelog svog trajanja ostati otvoren za sve zainteresovane strane iz tri sektora bh. društva. U cilju osiguranja što šire podrške i osnove za saradnju u okviru ovog programa, učešće u njemu će biti omogućeno i za sve one formalne i neformalne organizacije i grupe građana/ki koje ili nisu zainteresovane za formalno članstvo u koaliciji „Civilni dijalog“, ili nemaju kapaciteta i raspoloživih resursa za direktnije uključivanje u Program. To će moći uraditi tako što će dostaviti posebno dizajnirano Pismo o zainteresovanosti, koje će se moći preuzeti na web i facebook stranici CPCD-a i Resursnog centra.